

# ვალერიან მჭედლიძე ატენში FAO-ს მიერ განხორციელებულ პროექტებს გაეცნო

09 ივნისი 2021

შიდა ქართლის სახელმწიფო რწმუნებული ვალერიან მჭედლიძე გაეროს სურსათისა და სოფლის მეურნეობის ორგანიზაციის (FAO) მიერ ატენის თემში განხორციელებულ პროექტებს გაეცნო. FAO-ს წარმომადგენლებისგან პროექტის მიმდინარეობის შესახებ ამომწურავი ინფორმაცია მიიღო და ბენეფიციარებს შეხვდა.

„ფლევისა და ატენის თემში მიმდინარეობს FAO-ს დაფინანსებით საკმაოდ კარგი პროექტი, რომელიც საჯარო სექტორისა და საერთაშორისო დონორი ორგანიზაციების თანამშრომლობის საუკეთესო მაგალითია. პროექტი კვლავ გრძელდება და მოჟუნოვებ მოსახლეობას თანამშრომლობისკენ. საერთაშორისო ორგანიზაციებთან პარტნიორობა ხელს უწყობს საერთო მიზნების დროულ და ეფექტურ განხორციელებას. აღსანიშნავია, რომ FAO-ს გრანტების პროგრამით უკვე ათეულობით ადგილობრივმა ისარგებლა, რამაც ხელი შეუწყო მათ ეკონომიკურ თუ პროფესიულ გაძლიერებას.“ - აღნიშნა რწმუნებულმა.

სურსათისა და სოფლის მეურნეობის ორგანიზაცია (FAO) უკვე ორი წელია შიდა ქართლის რეგიონში, ატენისა და ფლევის თემებში სოფლის განვითარების მიზნით საპილოტე პროექტებს ახორციელებს. საგრანტო პროექტების ფარგლებში ადგილობრივებს შესაძლებლობა აქვთ განავითარონ წარმოება. ამჯერად ადგილობრივი მეღვინეებისთვის საგრანტო კონკურსი ღვინის ფერმენტაციისთვის საჭირო აღჭურვილობის და ინსტრუმენტების შესაძენად გამოცხადდა. გარდა ინდივიდუალური პროექტებისა, განხორციელდა საერთო სარგებლობის პროექტებიც, როგორცაა ამბულატორიის სამედიცინო ტექნიკით აღჭურვა, სარწყავი სისტემების მონყობა და საშემსრულებლო სივრცის რეაბილიტაცია.